

# Formulario Kompas di Maneho pa konsulta via internet

## Título:

(Aki yena título di publikashon di e konsulta via internet)

Eskoho serie spesífiko di kódigo postal na Hulanda Karibense (CN)

## ∞ Ken ta stakeholder i pakiko?

[Splikashon](#)

## Suppreguntanan

- Direktamente òf indirektamente, ken ta stakeholder den e problemátika en kestion?

Siudadanonan na Hulanda Karibense (eksperimentá problema)  
Entidatnan Públiko na Hulanda Karibense (maneho registrashon di adrès)  
Organisashon di ehekushon (Mester inkluí kódigo postal den nan atministrashon)  
Empresanan (Mester inkluí kódigo postal den nan atministrashon)  
Tenedó konseshon postal Hulanda Karibense (Responsabel pa entrega adekuá di pòst)  
Organisashon di gobièrnu ku dor di kalidat di entrega di pòst no por hasi nan tarea bon

- Ken ta disponé di konosementu relevante tokante i eksperensia ku e problemátika?

- Sekretario di Estado BZK: responsabel pa 'Fortalesé sosiedat digital na Hulanda Karibense' bou di kua e intenshon di maneho aki ta kai.  
- PostNL: atministrador di fail di kódigo postal na Hulanda Oropeo  
- Tenedó konseshon postal Hulanda Karibense  
- Entidatnan Públiko Saba, Sint Eustatius, Boneiru: Tenedó di fuente registrashon di adrès Hulanda Karibense

- Di ki forma te ku awor a involví e stakeholdernan den e diferente fasenan di e trayekto di maneho?

A realisá e proposishon aki ku kolaborashon estrecho entre stakeholdernan i a base di e informe di konsulta athunto 'Kódigonan postal Hulanda Karibense' formulá pa BZK.

# 1. Kiko ta e problema?

[Splikashon](#)

## Suppreguntanan

a) Kiko ta e problema?

E Ministerio di Asuntunan Interno i Relashon den Reino a formulá e "Agènda di trabou Digitalisashon Guiá pa Norma"<sup>1</sup>. Den e agènda di trabou, bou di e título "Linia 5.1" a inklui e tópiko: "Realisashon ekivalensia digital na Hulanda Karibense". Un di e metanan den esaki ta "Servisio públiko na nivel igual òf ekivalente na Hulanda Oropeo". E meta aki ta un kontinuashon di e maneho di e gabinete kaminda en relashon ku Hulanda Karibense <sup>2</sup> a hasi esfuerso pa 'comply or explain'. Esei ta enserá ku ta kontinuá maneho for di Hulanda Oropeo na Hulanda Karibense, a ménos ku tin un bon motibu pa no hasi esei. Igual kaminda por, i ora no ta posibel mesora, por lo ménos ekivalente.

Un di e tópikonan ku for di aña 2010 regularmente tin pregunta tokante di dje den Tweede Kamer <sup>3</sup> ta e echo ku na Hulanda Karibense no tin kódigonan postal. E preguntanan aki ta legítimo den kuadro di e ekivalensia di Hulanda Karibense na Hulanda Oropeo. Den e akuerdo intergubernamental di 2022 ku e Entidat Públiko Saba tin pará ku e Ministerio di BZK lo a tuma un papel di liderazgo tokante elaborashon di algun tema inkluso kódigo postal <sup>4</sup>.

Tabatin un inventario amplio bou di enkargo di BZK pa investigá kiko ta e nesidat, i e importansia i e impakto pa Hulanda Karibense pa loke ta kódigonan postal. Esaki a resultá den e 'Adviesrapport Postcodes Caribisch Nederland' (Informe di konsulta Kódigonan postal Hulanda Karibense) athunto. For di informe aki a bini dilanti ku hasi uso di e serie di number (1000-9999) di Hulanda Oropeo òf un sistema kompletamente nobo di kódigonan postal pa Hulanda Karibense no ta e solushonnan ku ta realisá e resultado deseá.

b) Kua ta e kousanan di e problema?

For di e análisis di e variantenan den e informe di konsulta a sali na kla ku ounke den e serie di kódigonan postal manera ta den uso na Hulanda Oropeo tin sufisiente espasio, tin konsekuensianan drástiko i kostoso pa e sistemanan di IT di PostNL. Tambe tin tiki fleksibilitat den e serie di number pa identifiká CN, e islanan individual, i distritonan/barionan apart. E senario unda ta krea un sistema kompletamente nobo pa CN ta kontra varios opheshon, manera un esfuerso grandi pa implementashon, mal abilidad di sistema lokal i na Hulanda Oropeo pa traha huntu (interoperabilidad) ku Hulanda Oropeo, desbentaha grandi relashoná ku uso di nobo di sistema (di IT) na Hulanda Oropeo, interkambio kompleho di dato, i falta di kompatibilitat ku aplikashonnan di e-commerce eksistente. Ademas, un sistema ku ta desviá ta aportá ménos na e sintimentu di ekivalensia ku Hulanda Oropeo.

c) Kon grandi e problema ta?

E tamaño di e problema tin di haber ku tur e mas o ménos 30.000 habitantenan <sup>5</sup> i e mas o ménos 5000 <sup>6</sup> empresanan na Hulanda Karibense ku aktualmente no por disponé di un kódigo postal.

d) Kiko ta e maneho aktual i kiko ta resultado di e evaluashon?

<sup>1</sup> <https://www.rijksoverheid.nl/documenten/rapporten/2022/11/04/bijlage-1-agenda-di-trabou-waardengedreven-digitaliseren> [1]

<sup>2</sup> Hulanda Karibense ta enserá e islanan Boneiru, Sint Eustatius i Saba

<sup>3</sup> <https://zoek.officielebekendmakingen.nl/ah-tk-20102011-1806.html>

<sup>4</sup> <https://www.rijksoverheid.nl/documenten/convenanten/2022/07/01/saba-package-20>

<sup>5</sup> <https://www.cbs.nl/nl-nl/nieuws/2024/22/bevolking-caribisch-nederland-in-2023-met-bijna-duizend-toegenomen>

<sup>6</sup> <https://bonairechamber.com/wp-content/uploads/2020/10/RESULTATEN-FINAL.pdf>

Aktualmente no tin un maneho i p'esei no a evaluá e maneho ei tampoko

- e) Kiko ta pasa si gobièrnu no hasi nada (Opshon nulo)? Kiko ta hustifiká intervenshon gubernamental?

Ora gobièrnu no hasi nada, e situashon aktual ta sigui meskos, i habitantenan di Hulanda Karibense lo sigui haña nan ku un kantidat di problema pasobra no tin un kódigo postal. E echo di no tin un adrès 'real' na Hulanda no ta kontribuí na e echo di ta un parti integral di Hulanda. Ademas, di e forma aki ketu bai no ta trata siudadanonan na Hulanda Karibense riba un nivel ekivalente ku hulandesnan oropeo.

## 2. Kiko ta e meta deseá?

[Splikashon](#)

### Suppreguntanan

- a) Kiko ta e metanan di maneho?

E meta ta stipulashon di un serie di number ku kua pa Hulanda Karibense por realisá un sistema di kódigo postal detayá i fleksibel ku, ku bista riba futuro, tambe ta ofresé suficiente espasio pa krese samsam ku desaroyo di e islanan. E meta tambe ta pa minimalisá e impakto riba sistemanan (di IT) eksistente, i tene e gastunan di introdukshon di un sistema di kódigo postal mas abou posibel pa tur esnan involví.

- b) Na kua di e [metanan di desaroyo duradero \(sustainable development goals, SDG's\)](#) i [resultadonan di prosperidat amplio](#) e metanan ta kontribuí?

- Baha desigualdat (siudadanonan na Hulanda Karibense no por hasi uso di sierto servisio na Hulanda Oropo pa motibu ku no tin kódigo postal)
- Siudatnan i komunitatnan duradero (un sistema di kódigo postal por kontribuí na kreashon di statistik ku kua por logra e meta di desaroyo aki)

### 3. Kua opshonnan tin pa realisá e meta?

[Splikashon](#)

#### Suppreguntanan

- a) Kua ta e puntonan ku hopi perspektiva ku por apliká pa realisá e meta?

E meta di realisá un sistema di kódigo postal pa Hulanda Karibense ku ta konektá ku e sistemátika na Hulanda Oropeo ta kontribuí na ekivalensia di habitantenan di Hulanda Karibense, manera a establese den e programa "Publieke dienstverlening op gelijk of gelijkwaardig niveau aan Europees Nederland" (Servisio públiko na nivel igual òf ekivalente ku na Hulanda Oropeo). E solushon pa apliká ta e deseo di por disponé di un kódigo postal na Hulanda Karibense, i asina yega un nivel ekivalente ku Hulanda Oropeo.

- b) Mirando e puntonan ku hopi perspektiva, kua opshonnan di maneho prometedor tin?

Den e informe di konsulta Postcodes CN (Kódigonan postal Hulanda Karibense) den e anekso a evaluá tres variante:

Variante 1 ta evaluá e faktibilidat di uso di e serie di kódigo postal 9191AA te ku 9199ZZ den e sistema di kódigo postal na Hulanda Oropeo.

Variante 2 ta evaluá e faktibilidat di uso di e serie di kódigo postal 0000AA te ku 0999ZZ. E variante aki sí ta sigui e sistemátika di e kódigonan postal na Hulanda Oropeo pero ta usa un serie ku no ta den uso na Hulanda Oropeo.

Variante 3 ta evaluá e faktibilidat di uso di un sistema di kódigo postal kompletamente nobo pa Hulanda Karibense.

Pa e elaborashon mas aleu di e bentahanan i desbentahanan di kada variante, por konsultá e informe "Postcodes voor Caribisch Nederland" (Kódigonan postal pa Hulanda Karibense) den e anekso.

- c) Kiko ta e [Teoria di maneho \(pa kada meta\)](#) pa kada opshon di maneho prometedor?

Den e informe di konsulta a konsehá pa elaborá Variante 2 mas aleu ku e stakeholdernan involví, hasiendo uso di e serie di number 0000AA-0999ZZ pa kódigonan postal na Hulanda Karibense. No ta konsiderá e otro senarionan komo optimal. Asina, e úniko opshon di maneho alkansabel ta pa usa e serie di kódigo postal 0000AA-0999ZZ pa kódigonan postal na Hulanda Karibense.

### 4. Kiko ta e konsekuensianan di e opshonnan?

[Splikashon](#)

#### Suppreguntanan

- a) Kiko ta e konsekuensianan sperá pa kada opshon di maneho?

E konsekuensia ta ku por hasi uso di un kódigo postal pa habitantenan di Hulanda Karibense ku, entre otro, lo trese nan riba un nivel ekivalente, lo mehorá kalidat di entrega di pòst, i lo logra otro efekto positivo sekundario. Aki por pensa na e posibilidat di krea statistik tokante distrito/bario a base di kódigonan postal ku ta aportá na problemátika manera problemátika di bibienda i di órden espasial, pero tambe e posibilidat di risibí servisio por ehèmpel na bankonan na Hulanda Oropeo unda un kódigo postal válido ta nesesario pa registrashon, i e posibilidat di hasi uso di servisio di e-commerce.

- b) Kua [pruebanan obligatorio](#) ta aplikabel i kiko ta nan resultadonan (te kon leu nan ta konosí)?

E tèst di funshonamentu: Den kuadro di e informe di konsulta a papia ku ehekutornan i (representantenan di) siudadano i empresa tokante e efektonan ku por spera riba e kapasidat di aktua di hende. E resultado ta ku na momentu di aplikashon efektivu di e variante preferá, mester duna bon informashon. E hendenan awor tin kustumber di hasi uso di kódigonan postal fiktisio. Lo tuma su tempu promé ku nan bai traha ku e kódigonan postal ku ta pas ku e adrès en kestion. Verifikashon entre lugá i kódigo postal i konekshon outomátiko di kódigo postal + number di kas i nòmber di kaya por duna un aporte na esaki.

## 5. Kiko ta e opshon preferá?

[Splikashon](#)

### Suppreguntanan

a) Kiko ta e proposishon?

E proposishon ta pa realisá un sistema di kódigo postal pa Hulanda Karibense a base di e sistemátika manera esun ku ta den uso na Hulanda Oropeo. Konkretamente, e proposishon ta pa hasi uso di e serie di number 0000AA-0999ZZ pa esaki.

b) Kon e proposishon ta tene cuenta ku:

- [efisiensi](#) i [efikasía](#);
- faktibilidat pa tur partido relevante;
- impakto sosial amplio?

Loke ta ferwagt ta ku lo tin tiki efekto riba e kapasidat di aktua pasobra e konsepto kódigo postal ta bon konosí a pesar ku no tin kódigo postal propio. Sí, e siudananonan lo mester kustumbrá ku e kambio di e uso aktual di kódigo postal fiktisio pa uso di kódigo postal real.

E preshon di regulashon lo ta limitá pasobra e uso di e kódigo postal duná no ta obligatorio pa siudadano, empresa i gobièrnu.

Por bisa ku e impakto sosial amplio ta positivo, pasobra e echo di por hasi uso di un kódigo postal pa tur habitante lo nifiká un mehorashon kompará ku e situashon aktual.

c) Kiko ta e riesgonan i e insertidumbrenan di e proposishon aki?

E proposishon ta resultado di kolaborashon estrecho entre e stakeholdernan, di moda ku e solushon ku a skohe p'e tin sosten di e stakeholdernan. PostNL a bai di akuerdo ku e proposishon pa hasi uso di e serie di number aki pa Hulanda Karibense. Aktualmente no por distinguí riesgo ni insertidumbre mará na esaki.

d) Kon e [monitoreo](#) i [evaluashon](#) ta mustra?

E tim di proyekto responsabel lo monitòr e implementashon. E evaluashon si e serie di number aki ta kumpli ku tur deseo lo tuma lugá den un proyekto di siguimentu.